

## Plenchi

### Bèl a bati

**TRINGG TRINGGG bèlèm..... TRINGG TRINGGG bèlèm.....**

Nos a drenta den yuni. Subi nos plenchi bin gosa ku nos, unbes skol ta bedank anto bo ta bai sinti nos falta. Nos tambe lo sinti di bo sigur. Pero manera nan ta bisa ban gosa i gradisí pa loke nos tin awe.

Un plenchi yen ambiente positivo, pa yenabu ku energia. Bo sa kaba tende kos negativo, henter dia, kritiká, maldishon di hende negativo, ta hibabu na un situashon infelis. No ta solamente esnan ku mester biba i tende negativismo ta infelis, pero hopi biaha te esnan negativo ta esnan infelis. Nan a skondé dor di grita duru, papia i maldishoná pa tapa nan mes pobresa i nan infelidat. Distansiá bo mes di problema i skohe pa ambiente di naturalesa, kombersashon konstruktivo i palabranan di bendishon. Lanta tur mainta i skohe 3 hende ku bo ke pidi bendishon pe. No skohe tur dia mes hende. E por ta un hende ku bo ta mira na bòrchi bus tur dia i bo no konosé. E por ta un persona ku bo sa ta pasando den problema. Òf un hende ku bo ta gradesido pe pa algu ku el a hasi pabo. Kisas el a hasi algu ku bo no gusta un bes, pero bendishoné pa esun bon ku el a hasi. Kòrda bo tambe no ta perfekto i den bista di otro por tin kos ku bo no a hasi korekto. Si kada bes un hende keda rabia ku bo paso bo a hasi algu ku nan no gusta, ta kon nos mundu lo ta. Nos por ta di akuerdo ku otro of no, pero ku respèt pa otro su opinion. Yunan pidi bendishon regular pa boso mayornan i edukadornan. Edukadornan pidi bendishon pa boso hóbennan.

### Orashon.



## Riba roster

### Hóbennan di st. Albertus College ta inventar.

Den kuadro di e tema teknologia, alumnonan di Grupo 3-4 di st. Albertus Collegea sera konosí ku algun inventar. Nan a sera konosí ku entre otro Graham Bell ku a inventá e promé telefon, Thomas Edison ku a inventá e promé pera di lus i rumanan Wright ku a bula e promé avion. Komo tarea alumnonan di Grupo 3-4 tambe mester a bai inventá algu pa mehorá nos kalidat di bida. Tur e inventonan aki nan a eksponé pa otronan por a atmirá. E alumnonan por a splika i demostrá kon nan invento ta traha. Paga tinu, portá den futuro nos por tin inventornan ku a kuminsá nan karera na st. Albertus College.



## **Den agènda**

**2 yuli (djadomingu) dia di bandera**

**7 yuli último dia di skol.**

**14 i 15 di ougustus 2017 startconferentie pa tur trahado di RKCS**

**17 di ougustus 2017 promé dia di skol pa hóbennan**

## **Riba rapòrt**

**St. Albtertus College ta mira resultado despues di a planta na skol.  
Hobennan a siña kon planta i kuida nan matanan.**





## **Mi ta konta**

### **Freddy su amornan.**

Freddy tabatin 2 yu muhé. Fabiola a kasa ku un hardinero i Yvette a kasa ku un drechadó di dak profeshonal. Freddy a disidí di bai bishitá Fabiola, pa wak kon e ta biba i kon su bida ta bai. Fabiola a splika su tata ku ta bai bon ku ne si, úniko kos ta ku dor ku awaseru ta kai asina tiki, nan ta gasta hopi sen na awa pa tene e matanan saludabel. Awaseru regular lo yuda baha gastu di awa i asina oumentá nan ganashi i lo pone e matanan ku nan tin na benta floresé mas bunita.

Mesora Freddy a disidí pa su mes ku e lo resa pa awaseru kai regularmente.

Un par di luna despues Freddy a bai bishitá Yvette, pa wak kon ta bai ku ne. Yvette a konta su tata ku nan bida ta dushi. Òniko kos, ta ku mester tin menos dia di awaseru di oktober pa februari. E lunanan ei tin hopi trabou pa drecha dak, pero awaseru ta stroba pa nan por kaba tur trabou na tempu. Esei

ta pone ku nan ta pèrde plaka. Su deseo ta pa awaseru kai menos pa asina nan por tin mas eksito.

Freddy a bai den kamber pa meditá: Si un ke awaseru i e otro ke solo, ta pa kua di dos su deseo mi tin ku resa awor? Mi stima tur dos mes tantu i ke pa nan tin un bida di ku salú, amor i prosperidat.

Moral: Bo no por komplasé tur hende pareu, ni esnan ku bo stima. Ta imposibel.

## **Un prechi**

### **Maria College ta pone e top 3 nan di kada klas den spotlight.**

Maria College a duna honor na mayornan di kada klas ku nan yu ku a sali den e tòp 3 di kada klas!

Kada aña despues di dos temporada di aña eskolar, Maria College ta organisá un mainta spesial .

Tur mayor ta presentá na skol i nan yu ta duna nan un tarheta di rekonosementu i un regalo di gradisimentu pa nan esfuerso ku nan ta hasi pa ku nan yunan. Den mayoria kaso un mayor ta bin skol pa atendé tokante komportashon di e yu, pero e dia aki e mayornan ta haña un trato spesial di VIP na skol i tambe tur alumno ta presensia e bunita gesto aki .

Direktiva, personal i dosentenan di Maria College ta gradisí kada mayor i alabes prensa pa mustra nos aktividat positivamente.



**Mucha djispou**

